



UNIVERSITÄTS-  
BIBLIOTHEK  
PADERBORN

# Vitæ D. N. Iesv Christi Monotessaron Evangelicum

Heser, Georg

Monachii, 1657

Dæmoniaci.

---

---

**Nutzungsbedingungen**

[urn:nbn:de:hbz:466:1-56533](https://nbn-resolving.org/urn:nbn:de:hbz:466:1-56533)

non oportuit solvi à vinculo isto die Sab-  
bati? *Luc. 13. v. 14. 15. 16.*

III. Et cùm hæc diceret, erubescabant  
omnes adversarij eius : & omnis populus  
gaudebat in universis, quæ gloriosè fiebant  
ab eo. *Luc. 13. v. 17.*

*Demoniaci.*

## MEDITATIO XCVII.

*Obsessus à dæmone liberatur in  
Synagoga.*

**I** Descendit Iesus in Capharnaum civi-  
tatem Galilææ : *Luc. 4. v. 31.* & sta-  
tim Sabbatis ingressus in Synagogam, *Marc.*  
*1. v. 21.* ibiq; docebat illos Sabbatis. *Luc. 4.*  
*v. 31.* Et stupebant super doctrina ejus : erat  
enim docens eos, quasi potestatem habens,  
& non sicut Scribæ. *Marc. 1. v. 22.* In pote-  
state erat sermo ipsius. *Luc. 4. v. 32.*

II. Et erat in synagoga eorum homo in  
spiritu immundo. *Marc. 1. v. 23.* Habens  
dæmonium immundum : & exclamavit vo-  
ce magnâ, dicens : Sine, quid nobis, & tibi,  
Iesu Nazarene? Venisti perdere nos? Scio  
te, quis sis, Sanctus Dei. *Luc. 4. v. 33. & 34.*  
*Marc. 1. v. 24.*

III. Et comminatus est ei Iesus. *Marc.*  
*1. v.*

D. N. IESU CHRISTI. 89

7. v. 25. Et increpavit illum, *Luc. 4. v. 35.*  
dicens: Obmutescere, & exi de homine. *Marc.*  
*1. v. 25. Luc. 4. v. 35.* Et discerpens eum  
spiritus immundus, *Marc. 1. v. 26.* cum pro-  
iecisset illum dæmonium in medium, *Luc. 4.*  
*v. 35.* exclamans voce magnâ, exijt ab eo,  
*Marc. 1. v. 26.* nihilque illum nocuit. *Luc. 4.*  
*vers. 35.*

II. IV. Et mirati sunt omnes, ita ut con-  
quirent inter se dicentes: Quidnam est  
hoc? quænam doctrina hæc nova? *Marc. 1.*  
*v. 27.* Et factus est pavor in omnibus, &  
colloquebantur ad invicem, dicentes: Quod  
est hoc verbum, quia in potestate, & virtute  
imperat immundis spiritibus? *Luc. 4. v. 36.*  
& obediunt ei, *Marc. 1. v. 27.* & exeunt.  
*Luc. 4. v. 36.* Et processit rumor ejus sta-  
tim in omnem regionem Galilææ. *Marc. 1.*  
*v. 28.* Divulgabatur fama de illo in omnem  
locum regionis. *Luc. 4. v. 37.*

MEDITATIO XCVIII.

*Christus Capharnai multos demones  
eiecit.*

I. **V**espere autem facto, cum occidisset  
sol, *Marc. 1. v. 32.* obtulerunt ei mul-  
tos dæmonia habentes: & eiciebat spiritus  
verbo, *Matth. 8. v. 16.*

II. Exij

II. Exhibant autem dæmonia à multis, clamantia, & dicentia: Quia tu es filius Dei. *Luc. 4. v. 41.*

III. Et increpans non sinebat ea loqui, quia sciebant ipsum esse Christum. *Luc. 4. v. 41.*

## MEDITATIO XCIX.

*Christus in regione Gerasenorum duos demoniacos curat.*

I. **C**Um venisset Iesus trans fretum in regionem Gerasenorum, occurrerunt ei duo habentes dæmonia, de monumentis exeuntes, sævi nimis, ita ut nemo posset transire per viam illam. Et ecce clamaverunt, dicentes: Quid nobis, & tibi, IESU fili Dei? venisti huc ante tempus torqueri nos. *Matth. 8. v. 28. & 29.*

II. Erat autem non longè ab illis grex multorum porcorum pascens. Dæmones autem rogabant eum, dicentes: Si eijcis nos hinc, mitte nos in gregem porcorum. *Matth. 8. v. 30. & 31.*

III. Et ait illis: Ite. At illi exeuntes, abierunt in porcos: & ecce impetu abijt totus grex per præceps in mare: & mortui sunt in aquis. Pastores autem fugerunt: & venientes in civitatē, nunciaverunt omnia,

D. N. IESV CHRISTI. 91

& de eis, qui dæmonia habuerant. *Matth. 8. v. 32. & 33.*

IV. Etece tota civitas exijt obviam IESU: & viso eo, rogabant, ut transiret à finibus eorum. *Matth. 8. v. 34.*

ANNOTATIVNCVLA.

S. *Mattheus* duos demoniacos occurrisse narrat: S. *Marcus* & S. *Lucas*, altero prætermisso, unius tantum faciunt mentionem; vel quòd ille clarior & famosior esset, ut vult *Augustinus* lib. 2. de consensu *Evangelist.* cap. 24. vel quòd fortior esset, ac duriori dæmone vexaretur, ut ait *Chrysoftomus*. Quam ob rem, majoris claritatis causa, rursus eadem historia verbis duorum *Evangelistarum* *Marci* & *Luca* recenseatur.

MEDITATIO C.

*Dira fors hominis à demonibus  
obsessi.*

I. **N**avigaverunt ad regionem Gerasenorum, quæ est contra Galilæam: *Luc. 8. v. 26.* & venerunt trans fretum maris in regionem Gerasenorum. *Marc. 5. v. 1.* Exeunt ei de navi, *Marc. 5. v. 2.* cum egressus esset ad terram, *Luc. 8. v. 27.* statim occurrit de monumentis homo in spiritu immundo. *Marc. 5. v. 2.* Occurrit illi vir quidam,

dam, qui habebat dæmoniū jam temporibus multis, & vestimento non induebatur, neque in domo manebat, sed in monumentis. *Luc. 8. v. 27.*

II. Domicilium habebat in monumentis, & neque catenis jam quisquam poterat eum ligare. Quoniam sæpe compedibus, & catenis vinctus, dirupisset catenas, & compedes comminuisset, & nemo poterat eum domare. *Marc. 5. v. 3. & 4.*

III. Et semper die ac nocte in monumentis, & in montibus erat clamans, & concidens se lapidibus. *Marc. 5. v. 5.*

## MEDITATIO CI.

*Dæmones ab homine Christus exesse jubet.*

I. **V**idens autem IESUM à longè, cucurrit, *Marc. 5. v. 6.* procidit ante illum, *Luc. 8. v. 28.* & adoravit eum. *Marc. 5. v. 6.* Et exclamans voce magnâ, dixit: Quid mihi, & tibi est, Iesu fili Dei Altissimi? *Luc. 8. v. 28. Marc. 5. v. 7.* Obsecro te, ne me torqueas. *Luc. 8. v. 28.* Adjuro te per Deum, ne me torqueas, *Marc. 5. v. 7.*

II. Dicebat enim illi: Exi spiritus im-munde ab homine. *Marc. 5. v. 7.* Præcipiebat

D. N. IESV CHRISTI. 92

bat enim spiritui immundo, ut exiret ab homine. Multis enim temporibus arripiebat illum, & vinciebatur catenis, & compedibus custoditus: & ruptis vinculis agebatur à dæmonio in deserta. *Luc. 8. v. 29.*

III. Interrogavit autem illum Iesus, dicens: Quod tibi nomen est? At ille dixit: Legio, *Luc. 8. v. 30.* mihi nomen est; quia multi sumus. *Marc. 5. v. 9.* Quia intraverant dæmonia multa in eum. *Luc. 8. v. 30.* Et deprecabatur eum multum, ne se expelleret extra regionem. *Marc. 5. v. 10.* Et rogabant illum; ne imperaret illis, ut in abyssum irent. *Luc. 8. v. 31.*

MEDITATIO CII.

*Dæmonibus ire concessum in porcos.*

I. ERat autem ibi circa montem grex porcorum magnus pascens. Et deprecabantur eum spiritus, *Marc. 5. v. 11. & 12.* ut permitteret eis, in illos ingredi, *Luc. 8. v. 32.* dicentes: Mitte nos in porcos, ut in eos introeamus. Et concessit (permisit, *Luc. 8. v. 32.*) eis statim Iesus. *Marc. 5. v. 12. & 13.*

II. Exierunt ergo dæmonia (spiritus immundi, *Marc. 5. v. 13.*) ab homine, & in-

tra-

traverunt in porcos : & impetu abiit grex per præceps in stagnum, & suffocatus est. *Luc. 8. v. 33.* Magno impetu grex præcipitatus est in mare, ad duo millia, & suffocati sunt in mari. *Marc. 5. v. 13.*

III. Quod ut viderunt factum, qui pascebant, (eos, *Marc. 5. v. 14.*) fugerunt, & nunciaverunt in civitatem, & in villas, *Luc. 8. v. 34.* & in agros. Et egressi sunt videre, quid esset factum. *Marc. 5. v. 14.*

### MEDITATIO CIII.

*Geraseni exeunt ad Christum, & hominem curatum vident.*

I. **E**Xierunt autem videre quod factum est: & venerunt ad IESUM : & invenerunt hominem, (illum, qui à dæmonio vexabatur, *Marc. 5. v. 15.*) sedentem, à quo dæmonia exierant, vestitum, ac sanâ mente, ad pedes ejus, & timuerunt. *Luc. 8. v. 35.*

II. Et narraverunt illis, qui viderant, qualiter factum esset ei, qui dæmonium habuerat, *Marc. 5. v. 16.* quomodo sanus factus esset à legione : *Luc. 8. v. 36.* & de porcis. *Marc. 5. v. 16.*

III. Et rogaverunt illum omnis multitudo regionis Gerasenorum, ut discederet

*D. N. IESV CHRISTI. 95*  
ab ipsis, *Luc. 8. & 37.* de finibus eorum :  
*Marc. 5. & 17.* quia magno timore teneban-  
tur. *Luc. 8. & 37.* Ipse autem ascendens na-  
vim, reversus est, *Luc. ibid.*

## MEDITATIO CIV.

*Christus eum, qui curatus fuerat, sequi  
se volentem remittit ad suos  
domum.*

I. **C**umque ascenderet navim, coepit il-  
lum deprecari, qui à dæmonio vexa-  
tus fuerat, *Marc. 5. & 18.* vir, à quo dæmo-  
nia exierant, ut cum eo esset. *Luc. 8. & 38.*  
Dimisit autem eum Iesus. *Luc. ibid.*

II. Non admisit eum, sed ait illi ; Vade  
(redi, *Luc. 8. & 39.*) in domum tuam ad  
tuos, & annuncia illis, quanta tibi Dominus  
fecerit, & misertus sit tui. *Marc. 5. & 19.*

III. Et abiit per universam civitatem,  
prædicans, quanta illi fecisset Iesus. *Luc. 8.  
& 39.* Et abiit, & coepit prædicare in Deca-  
poli, quanta sibi fecisset Iesus: & omnes mi-  
rabantur. *Marc. 5. & 20.*

## MEDITATIO CV.

*Dæmonium mutum eicitur.*

I. **E**cce obtulerunt ei hominem mutum,  
dæmo-

dæmonium habentem. *Matth. 9. v. 32.*

II. Et ejecto dæmonio, locutus est mutus: & miratæ sunt turbæ, dicentes: Numquam apparuit sic in Israël. *Matth. 9. v. 33.*

III. Pharisæi autem dicebant: In principe dæmoniorum eijcit dæmones, *Matth. 9. v. 34.*

## MEDITATIO CVI.

*Dæmones Christum confitentur esse Deum.*

I. **S**piritus immundi, cùm illum videbant, sprocidiebant ei. *Marc. 3. v. 11.*

II. Et clamabant, dicentes: Tu es filius Dei. *Marc. 3. v. 11. & 12.*

III. Et vehementer comminabatur eis, ne manifestarent illum. *Marc. 3. v. 12.*

## MEDITATIO CVII.

*Cæcus ac mutus, expulso dæmone, videt, loquitur.*

I. **O**blatus est ei dæmonium habens, cæcus & mutus: & curavit eum: Ita ut loqueretur, & videret. *Matth. 12. v. 22.* Erat eijciens dæmonium, & illud erat mutū. Et cùm eiecisset dæmonium, locutus est mutus. *Luc. 11. v. 14.*

II. Et

II. Et stupebant omnes turbæ, & dicebant: Numquid hic est filius David? *Matthæi 12. v. 23.*

III. Quidam autem ex eis, *Luc. 11. v. 15.* Pharisei audientes, *Matth. 12. v. 24.* & Scribæ, qui ab Ierosolymis descenderant, dicebant: Quoniam Beelzebub habet, & quia in principe dæmoniorum eijcit dæmonia. *Marc. 3. v. 22.* Dixerunt: Hic non eijcit dæmones, nisi in Beelzebub principe dæmoniorum. *Matth. 12. v. 24. Luc. 11. v. 15.*

## MEDITATIO CVIII.

*Christus calumnias Phariseorum & Scribarum confutat.*

I. Iesus autem sciens cogitationes eorum, dixit eis: *Matth. 12. v. 25.* Omne regnū in seipsum divisū (divisū contra se, *Mat. 12. v. 25.*) desolabitur. *Luc. 11. v. 17.* Non potest regnum illud stare. *Marc. 3. v. 24.* Et omnis civitas vel domus divisa contra se, non stabit. *Matth. 12. v. 25.* Et domus supra domum cadet. *Luc. 11. v. 17.* Non potest domus illa stare. *Marc. 3. v. 25.*

II. Si autem & Satanus in seipsum divisus est: *Luc. 11. v. 18.* & si Satanus Satanam eijcit, *Matth. 12. v. 26.* quomodo sta-

E bit

bit regnum ejus? quia dicitis in Beelzebub me eijcere dæmonia. *Luc. 11. & 18.* Quomodo potest Satanas Satanam eijcere? *Marc. 3. & 23.*

III. Et si ego in Beelzebub eijcio dæmones, filij vestri in quo eijciunt? Ideo ipsi iudices vestri erunt. *Matth. 12. & 27. Luc. 11. & 19.* Si autem ego in spiritu Dei (in digito Dei, *Luc. 11. & 20.*) eijcio dæmones, profectò venit in vos regnum Dei. *Matth. 12. & 28. Luc. 11. & 20.*

IV. Aut quomodo potest quisquam intrare in domum fortis, & vasa ejus diripere, nisi priùs alligaverit fortem? & tunc domù illius diripiet. *Matth. 12. & 29.* Cum fortis armatus custodit atrium suum, in pace sunt ea, quæ possidet. Si autem fortior eo superveniens vicerit eum, universa arma ejus auferet, in quibus confidebat, & spolia ejus distribuet. *Luc. 11. & 21. & 22.* Qui non est mecum, contra me est: & qui non colligit mecum, dispergit. *Luc. 11. & 23. Matth. 12. & 30.*

## MEDITATIO CIX.

*Filia Chananaea liberatur à demonio.*

I. **A** Bijt Iesus in fines Tyri & Sidonis: & ingressus domum, neminem voluit scire,

fcire, & non potuit latere. *Marc. 7. v. 24.*  
 Ecce enim mulier Chananæa à finibus illis  
 egressa, *Matth. 15. v. 22.* statim ut audivit  
 de eo, cujus filia habebat spiritum immun-  
 dum, intravit, & procidit ad pedes ejus. Erat  
 enim mulier Gentilis, Syrophænissa genere.  
 Et rogabat eum, ut dæmoniū eijceret de filia  
 ejus. *Marc. 7. v. 25. & 26.* Clamavit, dicens  
 ei: Miserere mei Domine, fili David: filia  
 mea malè à dæmonio vexatur. *Matth. 15.  
 v. 22.*

II. Qui non respondit ei verbum. Et ac-  
 cedentes discipuli ejus, rogabant eum di-  
 centes: Dimitte eam, quia clamat post nos.  
 Ipse autem respondens, ait: Non sum mis-  
 sus, nisi ad oves, quæ perierunt, domûs  
 Israël. At illa venit, & adoravit eum, di-  
 cens: Domine, adjuva me. *Matth. 15. vers.  
 23. 24. 25.* Qui dixit illi: Sine prius fa-  
 turari filios; non est enim bonum,  
 fumere panem filiorum; & mittere cani-  
 bus. *Marc. 7. v. 27.*

III. At illa respondit, & dixit illi; *Marc.  
 7. v. 28.* Etiam Domine; nam & catelli  
 edunt de micis, quæ cadunt de mensa do-  
 minorum suorum. *Matth. 15. v. 27.* Et ca-  
 relli comedunt sub mensa de micis puero-  
 rum. *Marc. 7. v. 28.* Tunc respondens IE-

sus, ait illi: O mulier, magna est fides tua: fiat tibi, sicut vis. *Matth. 15. & 28.* Et ait illi: Propter hunc sermonem vade: exijt dæmonium à filia tua. *Marc. 7. & 29.*

I V. Et sanata est filia ejus ex illa hora. *Matth. 15. & 28.* Et cum abiisset domum suam, invenit puellam jacentem supra lectum, & dæmonium exiisse. *Marc. 7. & 30.*

## MEDITATIO CX.

*Dæmon, quem eiicere discipuli non poterunt, pellitur à Christo.*

I. **A**ccessit ad Iesum homo genibus prostratus ante eum, dicens: *Matth. 17. & 14.* Magister, attuli filium meum ad te habentem spiritum mutum: qui ubicumque eum apprehenderit, allidit illum, & spumat, & stridet dentibus, & arescit. *Marc. 9. & 16. & 17.* Ecce spiritus apprehendit eum, & subito clamat, & elidit, & dissipat eum cum spuma, & vix discedit dilanians eum. *Luc. 9. & 39.* Domine, miserere filio meo, quia lunaticus est, & malè patitur: nam sæpè cadit in ignem, & crebrò in aquam. *Matth. 17. & 14.* Magister, obsecro te, respice in filium meum, quia unicus est mihi. *Luc. 9. & 38.*

II. Ob-

D. N. IESV CHRISTI. 101

II. Obtuli eum discipulis tuis: *Matth.* 17. v. 15. & rogavi discipulos tuos, ut eijcerent illum, *Luc.* 9. v. 40. & non potuerunt curare eum. *Matth.* 17. v. 15. Respondens autem Iesus, ait: O generatio incredula, & perversa, quousque (quamdiu) ero vobiscum? usquequo (quamdiu) patiar vos? *Matth.* 17. v. 16. *Marc.* 9. v. 18. *Luc.* 9. v. 41. Afferte huc illum ad me. *Matth.* 17. v. 16. *Marc.* 9. v. 18. Adduc huc filium tuum. *Luc.* 9. v. 41.

III. Et cum accederet, elisit illum dæmonium, & dissipavit. Et increpavit Iesus spiritum immundum, & sanavit puerum: & reddidit illum patri ejus. *Luc.* 9. v. 42. Exijt ab eo dæmonium, & curatus est puer ex illa hora. *Matth.* 17. v. 17.

IV. Stupebant autem omnes in magnitudine Dei: omnibusque mirantibus, in omnibus, quæ faciebat, dixit ad discipulos suos: Ponite vos in cordibus vestris sermones istos: Filius enim hominis futurum est, ut tradatur in manus hominum. At illi ignorabant verbum istud, & erat velatum ante eos, ut non sentirent illud: & timebant interrogare eum de hoc verbo. *Luc.* 9. vers. 44. & 45.

## MEDITATIO CXI.

*Accuratio ejusdem rei descriptio ex*

*S. Marco.*

I. **D**ixit IESUS : Afferte illum ad me. Et attulerunt eum, & cum vidisset eum, statim spiritus conturbavit illum : & elisus in terram, volutabatur spumans. Et interrogavit patrem ejus ; Quantum temporis est, ex quo ei hoc accidit ? At ille ait ; Ab infantia : & frequenter eum in ignem & in aquas misit, ut eum perderet : sed si quid potes, adjuva nos, misertus nostri. *Marc. 9. v. 18, 19, 20, 21.*

II. IESUS autem ait illi : Si potes credere, omnia possibile sunt credenti. Et continuo exclamans pater pueri, cum lacrymis agebat : Credo Domine Adjuva incredulitatem meam. Et cum videret IESUS concurrentem turbam, comminatus est spiritui immundo, dicens illi : Surde & mute spiritus, ego præcipio tibi, exi ab eo : & amplius ne introeas in eum. *Marc. 9. v. 22, 23, 24.*

III. Et exclamans, & multum discerpens eum, exijt ab eo, & factus est sicut mortuus, ita ut multi dicerent, quia mortuus est. IESUS autem tenens manum ejus, elevavit eum : & surrexit. *Marc. 9. Vers. 25. & 26.*

M E-

MEDITATIO CXII.

*Quam ob causam discipuli non potuerint eijcere hoc demonium.*

I. **C**VM IESUS introisset in domum, discipuli ejus secretò interrogabant eum: Quare nos non potuimus eijcere eum. *Marc. 9. & 27.* Dixit illis IESUS: Propter incredulitatem vestram. Amen quippe dico vobis, si habueritis fidem, sicut granum sinapis, dicetis monti huic; Transi hinc illuc: & transibit, & nihil impossibile erit vobis. *Matth. 17. & 19.*

II. Hoc autem genus non eijcitur, nisi per orationem & jejunium. *Matth. 17. & 20.* Hoc genus in nullo potest exire, nisi in oratione & jejunio. *Marc. 9. & 28.*

III. Et inde profecti prætergrediebantur Galilæam; nec volebat quemquam scire. *Marc. 9. & 29.* Conversantibus autem eis in Galilæa, dixit illis IESUS: Filius hominis tradendus est in manus hominum; & occident eum, & tertiâ die resurget. Et contristati sunt vehementer. *Matth. 17. & 21. & 22.* Illi ignorabant verbum, & timebant interrogare eum. *Marc. 9. & 31.*